


## 2018 yil yanvar-fevral oyida amalga oshirilgan qurilish ishlari

2018 yilning fevral oyida Samarqand viloyatida 337,0 mlrd. soʻmlik qurilish montaj ishlari bajarilib, oʻsish surʼati oʻtgan 2017 yilning shu davriga nisbatan 101,9 foizni tashkil etdi.

Shuningdek, yirik pudrat tashkilotlari tomonidan bajarilgan qurilish montaj ishlari hajmi 6,7 mlrd. soʻmni tashkil etib, oʻsish surʼati 147,0 foizni tashkil qildi.



Jami qurilish ishlarining hajmidan kichik qurilish tashkilotlari va mikrofirmalar tomonidan bajarilgan qurilish montaj ishlari hajmi qurilish ishlarining 55,4 foizni tashkil etdi. Kichik qurilish tashkilotlari va mikrofirmalar asosan sotish uchun moʻljallangan uy-joylarni qurish, avtomobil yoʻllarini taʼmirlash, yangi qurilish, rekonstruksiya, ijtimoiy soha obʼyektlari (maktablar, maktabgacha taʼlim muassasalari), namunaviy loyihalar asosida qurilayotgan va arzonlashtirilgan uy-joylar qurilishida oʻz faoliyatlarini amalga oshirmoqda.



Mulkchilikning nodavlat shaklidagi qurilish tashkilotlari tomonidan 333,1 mlrd. soʻmlik qurilish montaj ishlari bajarilgan boʻlib, jami qurilish ishlarining hajmi 98,8 foizni tashkil qildi va ushbu koʻrsatkich oʻtgan yilning oʻsish surʻatiga nisbatan 1,6 bandga oshgan. Mulkchilikning davlat shaklidagi qurilish tashkilotlari tomonidan 3,8 mlrd. soʻmlik qurilish montaj ishlari bajarilgan boʻlib, jami qurilish montaj ishlari hajmining 1,2 foizini tashkil qildi.



2018 yilning fevral oyida iqtisodiy faoliyat turlari boʻyicha bajarilgan qurilish ishlarida nodavlat mulkchilikdagi bino va inshootlar qurilishining ulushi 273,6 mlrd. soʻmni tashkil qilib, oʻtgan yilning mos davriga nisbatan oʻsish surʻati 118,3 foizni tashkil qildi. Davlat mulkchiligidagi ulush esa, 1,7 mlrd. soʻmni tashkil qilib, bu oʻtgan yilning mos davriga nisbatan 41,1 foizni tashkil qildi.

Iqtisodiy faoliyat turlari boʻyicha bajarilgan qurilish ishlarida nodavlat mulkchilikdagi fuqarolik qurilish ob'ektlarining ulushi 37,1 mlrd. soʻmni tashkil qilib, oʻtgan yilning mos davriga nisbatan oʻsish surʻati 157,2 foizni, davlat mulkchiligidagi ulush esa, 1,6 mlrd. soʻmni tashkil qilib, oʻtgan yilning mos davriga nisbatan 55,2 foizni tashkil qildi.

Shuningdek, ixtisoslashtirilgan qurilish ishlarining ulushi 22,4 mlrd. soʻmni tashkil qilib, oʻtgan yilning mos davriga nisbatan oʻsish surʻati 121,7 foizni, davlat mulkchiligidagi ulush esa, 0,5 mlrd. soʻmni tashkil qilib, oʻtgan yilning mos davriga nisbatan 83,3 foizni tashkil qildi.